

四庫全書

集部

欽定四庫全書

集部

攜李詩繫卷三十八

詳校官侍講_臣王燕緒

主事銜_臣徐以坤覆勘

總校官進士_臣朱鈴

校對官學正_臣翁樹棠

謄錄監生_臣李棟

欽定四庫全書

馮李詩繫卷三十八

平湖沈季友編

宋

李綱

字伯紀邵武人高宗時爲相諡忠定

嘉禾道中遇夏子陽

京華契濶已再冬扁舟野岸欣相逢
天寒水遠飛霜風談笑坐覺迴春容
年踰七十兩頰紅真氣上泝泥丸宮

剖符南海窺祝融欲求丹砂訪葛洪問予執筆侍九重
胡為謫墮溪山中迂愚久合親耕農君恩未報徒忡忡
飄零孤跡隨斷蓬他日相憶看雲鴻

呂祖謙

字伯恭婺州人孝宗時官編修謚成公

送丘宗卿博士出守嘉禾以視民如傷為韻

檣李國西門道里去天咫訟庭人摩肩客館舟銜尾涼
燠變須臾怵聽復駐視心平理自見周道本如砥

堂下萬休戚堂上一笑嚬是心苟不存對面越與秦豚

魚尚可孚況此能言民君看津頭柳葉葉皆相親

奮髯疾抵風解衣徐探雛古來多快士氣吞兩輪朱簿
書高没人迎筆風摧枯自許豈不豪歲晏終何如

折肱稱良醫識病由身傷開府事如麻豈盡昔所嘗平
生老農語易置復難忘麥黃要經雪橘黃要經霜

沈與求

字必先吳興人高宗
時為樞密謚忠敏

魯守置酒月波樓同賦

詞語平生故自蕪登高重愧賦成初諸君此去識老子

右衛向來煩長輿波上旌旗飛退鷁樓前歌管出金魚
回闌後夜同延月直下方池可更疏

羞墓

富貴因人德未酬繡衣歸去竟何求荒墳三尺斜陽裏
千古徒增女子羞

月波樓

突兀晴樓壓郡城樓前波面縠紋生何人合作佳從事
來伴胡牀看月明

會景亭

柳株高下隔桃蹊
萬頃烟波似漢陂
畫手無人邈平遠
小亭風冷立移時

過嘉禾野塘

木末孤烟起夕炊
茅檐直下釣魚磯
蒼荒遠水連天碧
一葉短篷何處歸

周紫芝

字少隱號竹坡宣城人高
宗時為興國守有稊米集

送黃文若歸嘉禾

烏帽猶衝九陌塵
扁舟誰釣兩谿春
久憑歸夢尋香國
忽喜清樽對故人
滿眼窮愁嗟我老
此生交舊獨君真
華亭一水無多地
細作來書莫厭頻

將軍十載半鳴珂

才武憐君中異科
但把長吟作回雪

不妨瀕海看熬波

時黃授
鹽監

方愁隻影身如寄
便買扁舟

意若何一別應須五年事
好詩從此為誰哦

文若攜家來遊西湖袖出新詩
其歸和以當別

黃郎滿袖出新詩
別後篇章欲造微
老驥但含千里意

翔鸞還帶九雛歸如君好事真前輩笑我為生盡昨非
小別不堪頻作惡灞橋楊柳亦依依

蘇小墓

野水橫分青草陂誰埋玉樹與瓊枝湖邊山自向人綠
門外柳今何處垂行雨行雲均是夢施朱施粉未相宜
一從蕙死蘭枯後剛道桃花好面皮

陳造

字唐卿高郵人淳熙時為淮西安撫

跋簡齋二帖

夜光一百八十七

簡齋三進劉共一百八十七字

有底六丁忘下收密

勿端知紫皇側鎮穰猶計子孫謀

題椿桂堂四首為莫倅作

日日高堂笑臉新
五株芳桂拱靈椿
枝繁非霧根盤石
共閱壺中不盡春

靈椿移植自仙宮
丹桂年年不辦供
材薦明堂皆巨棟
君家培植富陰功

蒙莊漫詫楚冥靈
獨秀吾今陋郢生
更笑田家紫荆樹

每隨人意作枯榮

鴈影聯翩上絳綃庭蘭再世更奇標義方可但燕山賓
行跨當年八葉蕭

高翥

字九萬號菊
欄滄州人

烏鎮普靜寺沈休文故居

寂寞梁朝寺深廊十數間碑存知殿古香冷覺僧殘斷
岸舟橫浦平坡樹補山休文如好在依舊帶圍寬

游九言

字誠之建陽
人謚文清

秀州道中二首

一春烟雨歇空濛
高下川原杳靄中
畢竟春光遮不得
滿邨花柳自青紅

漠漠秋原禾黍空
藤蘿古木梵王宮
孤邨野水斜陽外
無數歸鴉落晚風

范成大

字致能吳郡人紹興進士官大學士有石湖集

烏戍密印寺

青堆溪上水平堤

烏堆東岸曰青堆

絳瓦參差半掩扉

殿角純紅瓦

我與聖公俱客寓

聖公汀州白衣岩主號定光佛者連南夫知州載神像歸寄于寺之藏前

人傳帝子尚靈威

寺有昭明太子祠

勝緣齟齬三重障

東佛閣三造不

成今據見材取次成之猶殊勝

志士辛勤十載歸

鐘樓乃一僧束髮為商走川廣得錢二萬

歸幾十年復髡而歸樓始成

花木禪房皆不見但餘蝙蝠晝羣飛

僧房

皆為狹門深洞行入百餘步不見人

附考寺在桐鄉縣北二十五里吳越王戌兵處又稱

戌上烏堆之東曰青堆又曰青墩取青宮之意昭明

太子師沈約有先墓在此每歲歸掃太子就之因築

書館名青項閣後約遷葬金陵太子捨館為賢德寺

後改

密印

題崇德莫氏椿桂堂

君不見衣冠盛事今猶昔前說燕山後崇德聯翩五組
帶天香世上贏金賤如礫他年詩禮到雲來日日高堂
稱壽杯桂長孫枝椿不老却比竇家應更好

附考堂在崇德宋邑人莫元忠
兄弟五人俱登進士故扁其堂

秀州門外泊舟

拍岸清波撲岸埃黑頭霜鬢幾徘徊禾興門外官楊柳
又見扁舟上堰來

楊萬里

字廷秀吉水人紹興進士官學士有誠齋集

崇德道中

一逕青松露三門白水烟殿橫林外脊塢漏隙中天地
曠迎先見村移眺更妍客程坐行役不得泊春船

烟雨樓

考見前

輕烟漠漠雨疎疎碧瓦朱甍照水隅幸有園林依燕第
不妨蓑笠釣鴛湖漁歌欸乃聲高下遠樹冥濛色有無
徙倚闌干衫袖冷令人歸興憶尊鱸

秀州嘉興館拜賜春幡勝

中使傳宣下紫宸
鏤頭濃染御香雲
綵幡耐夏宜春字
寶勝連環曲水紋
癡似土牛鞭不動
老登金馬愧無聞
強簪華髮知難稱
只有新詩頌萬分

過崇德二首

北闕落日送船行
欲到嘉興天已明
睡起一河水片滿
槌瓊擬玉夢中聲

水面光浮赤玉盤
也應知我緯夫寒
滿河圭璧無人要

吹入詩翁凍筆端

劉克莊

字潛夫莆田人淳熙中官學士有後村集

朱買臣墓

考見前

翁子平生最苦貧
晚將丹頸博朱輪
老儒五十無章綬
歸去何妨且負薪

魯揆

字舜卿南豐人

題資福院平綠軒

終日勞勞雁鷺行
偶然來訪贊公房
扶疎草木四圍合

縈繞溪流一帶長倚檻豈能成傑句把杯多是說名方
問師乞取安心法老坐蒲團對佛香

附考軒在崇德治西素商
門外三百步宋嘉祐間創

劉仙倫

字叔擬廬陵
人有招山集

過嘉禾

惆悵嘉興路三年幾度經航船連夜發更鼓隔城聽落
月低烟樹秋風冷露螢客懷容易感宜醉不宜醒

魏塘道中

霜葉紅於染寒溪湛若澄幾聲歸雁急數點暮山青深
淺頻斟酒長塗小作程萬緣天已定得喪一毫輕

附考嘉善縣古魏塘鎮相傳魏武帝嘗窺江南駐蹕故名又曰武塘在府城東三十六里治為元萬戶陳景仁花園至正時有星隕石陳取為山縣治定基於此古為嘉興之東北鄙明始析邑領思賢遷善麟瑞永安奉賢胥山等六鄉

葉適

字水心永嘉人寧宗時官學士諡忠定

題椿桂堂

九官八士古之良靈椿丹桂後騰芳馮公詩意雖短陋

閭里傳誦終難忘君家同生五兄弟短檠伴夜東方啓
黃旗兩紀張慶聞紵袍五襖趨文陛辭華標角人力能
科名均齊天所興作堂不須棟梁好但種此木高千層
透日垂陰香未歇滿堂車騎同時列更將磊砢替團團
留與北風觀壯節

秀州寄王道夫二首

袞袞紅塵五月留來時落木不勝秋只今春事濃如許
萬里滄浪又一舟

潘君狂甚詩能古葉子文高世莫驚何處有田求二頃
向來三月決歸耕

王信

括蒼人

題椿桂堂

向同子直遊膠庠是時子明居侍旁友于學問相激昂
聲華日馳翰墨場仲氏一第如探囊伯氏隨即凌雲翔
已快雁塔書雁行君家餘慶未易量二龍三鳳同呈祥
一門競爽如圭璋聯翩不羨金華唐會稽何獨誇諸黃

羞與竇氏爭頡頏吾家頗亦推吾鄉五登科第於太常
枝分派別各一房敢與君家相比方源深允矣流必長
孫枝更繞秋風香

葉紹翁

龍泉人寧
宗時人

過崇德

野塍泉自注斷岸柳空存雨霽雲開塔船過犬吠門柴
籬斜着水草遶別通村翻羨田家樂盈盈酒瓦盆

黃幹

字勉齋宋進士閩
人為石門酒監

石門

吳越天下富京畿游俠鄉隴畝盡膏腴第宅皆侯王世
言蘇湖熟霑溉及四方自我來石門觸目何淒涼清晨
開務門有酒誰復嘗纍纍挈妻子汲汲求糟糠父老稱
近年十載常八荒聚落成丘墟少壯爭逃亡

附考石門鎮屬崇德吳越時疊石為門故名唐置驛
宋置贍軍廨及酒庫務紹興中車駕駐蹕之所有行
壘殿元設稅課局於此太平廣記云唐大厯中王岳
盧收乘舟至石門驛遇幽怪即此

本朝以崇德為石門改為王
溪鎮瀕於運河又曰王灣

崇德憫雨四首

檣頭五兩搖空飛
船頭百丈牽何遲
數篙塘水清可涉
故鄉千里歸何時

塘中龍骨高數層
龜坼田中縱復橫
青裙若笠倚車卧
但有空車無水聲

牛女盈盈河漢傍
清風肅肅吹羅裳
朱門達旦聽歌曲
莫遣濃陰蔽夜涼

老夫年老百不悲
夜聽羣兒聲吾伊
呼童握手長太息

不見儂家數口飢

崇德喜雨詩用前韻

莫愁塵土壓天飛
六月栽禾未是遲
待得麥麻收拾後
通宵好雨定何時

雲霓天外起層層
畢月相隨徹夜橫
費得天公能幾力
數州愁苦變歌聲

睡覺歌聲古道傍
有人中夜攬衣裳
牀頭斗酒聊自酌
不為書窓一夜涼

山中書生休浪悲變調自有臯與伊清香一瓣來天竺
更把民飢作已飢

程秘

字懷古休寧人理宗時
端明學士有洛水集

送常世卿歸嘉興

悔作唐山來山深交友絕相逢忽相得乍見乃乍別嗟
此冰玉人寒梅疎帶雪胸次羅文奎筆底耀離纈朝家
渴英雋結網仍高設行且收殊科勉哉嗣先烈一編忠
義傳姦萌嘆先折千載懦夫魂脆骨變奇節識此吳中

奇復幸拜前哲何異魯國人一朝獲雙珎晴雲起芝田
東風催啼鳩慈庭有近書明朝動歸轍新抽草可茵微
露花堪折相思復相思後夜天邊月

戴復古

字式之天台
人有石屏集

初夏遊石門張園

考見
仙鬼

乳鴨池塘水淺深熟梅天氣半晴陰東園載酒西園醉
滴盡枇杷一樹金

汪莘

字叔耕號柳塘先生
休寧人嘉定間布衣

臘月立春夜秀州船塢橋玩月

鴉聲欲斷雉聲起
柳眼已青桑眼黃
故鄉春事正如許
春事只緣思故鄉

朱南杰

古徐人淳祐十年為海鹽澉浦監酒十一年為市舶官

曉發嘉禾

曉發嘉興路
人家門未開
開闕船側過
水漲堰平堆
濃綠暗官柳
肥紅綻野梅
城中簫鼓發
知是使君回

泊崇德

堰未抵長湖先從古縣過詩舟尋舊岸酒市鬻新歌傍
水人家密依山僧寺多夷猶觀未足無奈月明何

出嘉禾

舟出嘉禾五里城僧樓山塔互崢嶸酒旗密比隨風舞
漁網橫拖漾日晴畫舫貴人帆去穩單車遊女着來輕
山歌已接長河堰到得臨平月又明

烟雨樓

錦繡初開城角東規模絲亘境相通一亭舊占梅邊月

兩徑新添竹外風
山色有無烟變態
湖光濃淡雨收功
凭欄正好催歸去
橫笛數聲蘆葦中

錢海鹽史後樂

秦溪邑大號難治
後樂三年以德為
海濶有樓還舊觀
堂深無日不新詩
虛舟祇載來時物
實惠常教去後思
相業真傳公不忝
蒼生況是望霖時

陳必復

字无咎閩人
有山居存藁

舟行崇德

落日挂征帆西風客袂單燈明邨店近船重水程寬蘆
蓼作秋意汀洲生晚寒鐘聲烟外寺山色夢中看

嘉禾境上

聯疇岡勢斷缺岸浪痕垂村店茅柴酒人家槿樹籬逆
風魚上少連雨稻開遲客路秋偏好歸程盡是詩

葛紹體

建安人

招鶴所詞為澈浦監稅趙潛夫作

君之來兮鶴自九臯駕以去兮渺天地而逍遙縞衣玄

棠兮橫大海之驚濤雲旂先驅兮霓旌旖旎月皓皓兮
風灑灑青山之上兮黃灣之下挹北斗兮椒漿羽扇綸
巾兮佩璆鏘盼而笑兮玉潔水光鳴鸞鳳兮舞龜鼉馮
夷鼓兮處妃歌魚咏龍吟兮蛟螭護呵眈言歸兮南圃
飄飛兮過舶艣春復秋兮終古

吳龍翰

字式賢
新安人

嘉禾沈園

景物何其異虛岩人力成清池沉鳥影高樹落蟬聲花

月樓臺麗香風簾幙輕客來堪一借莫惜百杯傾

嘉禾道中

趁得東風便千錢買一舟嘉禾三日路陰木四山秋野
色緘詩思鷓鴣聲替客愁煙波渺無際是處可盟鷗

林逢子

鏡香亭

綠楊深處兩三家幾度憑欄聽沸蛙雲錦已空烟水濶
空教人憶舊時花

附考在
府城內

宣公祠二首

仁義百篇同孟子排姦勁節凜秋霜人生一死固不免
死落忠州骨也香

千年舊事隨流水一縷殘香弔蜀魂門掩落花人不到
野風吹月照黃昏

大天祥

字履善號文山
吉水人官丞相

次韻劉左司營繕司落成適潘秘丞得郡檇李

并錢以詩

蓬壺日月四時春
金碧新來絢帝宸
俎豆幸陪麟省雋
衣冠中有虎符新
詩餘和氣生談麈
坐久風光入醉茵
多謝蘭臺舊盟主
好歸羣玉領儒珍

朱繼芳

字季實建安人
有靜佳乙蒙

送僧遊樵李

師今遊樵李
自刺釣船篙
地說三吳勝
人誇二陸豪
草黃工女績
波白課丁熬
近海寒應早
霜毛怯剝刀

周文璞

字晉仙錢唐人
有方泉先生集

檣李道中

吹徹鵝笙醉碧桃
古城斜日泛輕舠
此行憶着維舟處
綠樹黃桑一樣高

何昌弼

海鹽橫塘道中

一舸凌風去縈紆
度幾邨水清魚引子
地美稻生孫路
僻塵埃遠秋晴
枕席溫悠悠迷處所
疑入武陵源

附考塘在海鹽西北四十里即常豐閘通郡之南湖

方回

字萬里徽州人宋末知嚴州元為建德路總管有桐江集

烟雨樓

樓壓重湖實壯哉樓前圖畫若天開鷗從沙際衝烟去
燕向花邊捲雨來傍柳一橋相掩映隔林雙塔共崔嵬
欄干倚盡催詩處晴日須來三四回

過崇德縣

枯柳無風影不搖敗牆頽屋意蕭蕭忽然喚醒承平夢

猶有紅闌夾畫橋

聽航船歌四首

北來南去雁還飛
四十年間萬事非
惟有航船歌不改
夜深老淚欲霑衣

南到杭州北楚州
三江八堰水通流
牽板船篙為飯碗
不能辛苦把鋤頭

雇載錢輕載不輕
阿郎拽牽阿奴撐
五千斤蠟三千漆
寧馨時年欲夜行

南姚邨打北姚邨鬼哭誰憐枉死魂爭似梢工留口喫

秀州城外鴨餽鈍

癸辛雜識作跳上岸頭須記取秀州門外鴨餽鈍

家鉉翁

眉山人官學生宋亡不仕

寂照石佛

前考見

溪上石人何往矣山中石佛是其疇若教石佛能談妙
應有石人來點頭

林景熙

字德陽平陽人

午日寓嘉禾學宮顧東浦載酒相過二博士偕

來飲就醉翌日留詩為別

嘉禾古三輔積水何蒼茫舊遊夢歷歷況此逢端陽東
艾肖人形傾葵抱天常蕭蕭老縫掖得依夫子牆鴛湖
無五月宿雨生微涼客從東浦來手持紫霞觴采蒲泛
纖玉沃我書傳香殷勤兩博士雜出肴與漿書囊談未
了一醉齊彭殤酒醒忽不樂起看北斗芒歲月感疎鬢
風烟渺殊方明當理征棹斜日鱸魚鄉

宣公祠

水玉為骨秋為神堂堂內相真天人諫草數百垂清芬
仁義一洗功利塵劒肝瀝血空排雲白日不見吾忠勤
奉天詔下哀痛新將士感泣天亦聞皇威雷動清九垓
一紙可敵百萬軍草茅學古期致君以額扣關九虎嗔
玉堂雲霧當華津耿耿何不批龍鱗一樽醅古淒夕曛
駕湖之水春復春

題劉伶墓

碧落當年墮酒星醉中萬事一浮萍不知人世無窮事

一醉松根不肯醒

蘇小墓

歌扇風流憶舊家
一丘落月幾啼鴉
芳魂不肯為黃土
猶作燕支半樹花

羞墓

遠望車塵汗雨流
自知覆水已難收
為君富貴妾羞死
富貴如君不自羞

吳思齊

語云括蒼人考端平三年有激浦監稅錢塘張思齊疑即其人

題鹿苑寺應夢尊者祠

是法本平等無怠亦無敬如何證無生却來見叅政

附考寺在海鹽西北三十六里宋治平初建魯肅簡公宰邑夢胡僧來迎叅政及瞻羅漢像與夢符合因建寺又有
一擊軒

蔡翀

颺坡石馬詩

異代豪華事已非空餘石馬傍山蹊千年故物埋荊棘
風雨時聞半夜嘶

附考海鹽縣西南五十里有颺山在永安湖間南有宋常氏墳

無名氏

朱買臣墓

貧賤難看俗眼低區區何事使雲泥
會稽乞得無他念只為歸來詫故妻

元

趙孟頫

字子昂吳興人諡文敏

題延陵義塾

禮義生富足為富誠不仁誰能如吳君捐己以惠人開
塾延師儒聚書教比隣豈圖名譽美要使風俗淳人物
方泐然作養當及晨文章雖致身經術乃新民宣公相
業著輔子禮樂醇二賢鄉先生千載德不泯吳君真盛
舉勉哉繼前塵何當襲春服從子語水濱

附考塾在崇德元皇

慶中邑人吳英建

秀州

秀州人家知幾多郎君兒女唱山歌白馬橋頭拾明月

鴛鴦湖畔折天荷碧水朱樓為誰惱短簫長笛奈儂何
共歸田園對山色江南江北更巍峩

馬祖常

字伯庸光州人官樞密有石田集

送史正翁經歷之嘉興

京華春滿眼楚客榜船歸花送行衣舞鶯從上苑飛尊
鱸隨俸入桑苧接田肥鈴閣文書少還知小吏稀

貢奎

字仲章宣城人元初官集賢直學士有雲林集

和馬伯庸學士送史正翁赴嘉興幕官

春日思家切那堪送客歸自憐舟似繫却羨羽能飛
隴青鳩開花洲紫鰕肥登臨多暇日應報訟門稀

黃庚

字星甫天台人
有月屋漫藁

石門

羸馬東山路駸駸抵石門落花春雨夜流水暮烟邨
久客悲行役新愁攪夢魂勞生多感慨餘恨付乾坤

傅與礪

字若金
臨江人

送唐子華赴嘉興

金八八八八
卷三十八
聞君秋思滿南湖行李今晨發帝都幕府初乘從事馬
江城還憶步兵鱸樹浮白日山侵越湖蹴青天海入吳
閒暇憑高動詩興須來一醉掃新圖

陳孚

字剛中
天台人

嘉興二首

簫鼓聲中十萬家垂楊淺映綠窓紗象梳兩兩蟬鬟女
笑擁紅橋買藕花

燕子穿烟水行開顧家猶有讀書臺平生雙耳松風裏

又向華亭聽鶴來

薩都刺

字天錫
雁門人

過嘉興

一作過秀
州南湖

三山雲海幾千里十幅蒲帆挂秋水吳中過客莫思家
江南畫船如屋裏蘆芽短短穿碧沙船頭鯉魚吹浪花
吳姬蕩槳入城去細雨小寒生淺莎我歌水調無人續
江上月涼吹紫竹春風一曲鷓鴣詞花落鶯啼滿城綠

阜林舟中

春溪野鴨肥可射幽樹深陰叫山鷗遠人三月酒船過
柳絮飛時杏花謝行行水竹上雲林往往人家或僧舍
小官便欲賦歸來何處買山錢可借

附考阜林在桐鄉境張士誠攻嘉興元將駐兵
於此明徐達討士誠獲其俘六萬即其地也

石門懷友夜坐

道人挂劍丹陽去欲入茅山恐未曾飛去難尋雲外鶴
歸來獨禮斗前燈夢回洗鉢分秋水酒渴敲壺碎夜水
獨有江東未歸客西風詩骨瘦峻嶒

貢師泰

字泰甫金子官秘
書郎有玩齋集

風涇舟中

白髮飄蕭寄短篷
春深杯酒憶曾同
落花洲渚鷗迎雨
芳草池塘燕避風
烽火此時連海上
音書何日到山中
故人別後遙相望
夜夜空隨斗柄東

附考嘉善東北十八里有清風涇舊
名白牛邨市元易為鎮陳舜俞居此

方瀾

字叔淵莆陽人
有叔淵遺藁

石門夜泊

積雨暝天豁炊烟隔林起人喧落帆處野語新月裏桑
逕綠妖沃麥風寒不已一夕舟相銜擾擾利名子

石門曉行

風高木葉脫從此曉寒新積雨初見日遠山如故人烟
邨一葦渡野寺數家鄰獨念行藏異沙鷗未我馴

嘉禾道中

歸帆一日速萬瀑落晴巒人涉風霜老水浮天地寬漁
燈野外小兔月浪中寒慣識蒼茫味推蓬到夜闌

鄧楠

題錢德鈞水村隱居圖

事詳本傳

向來寓意思卜居住處只今成畫圖
胸中本自渺江海
主人相浼寫江湖

吳延壽

前題

邨南邨北樹濛濛
秋水清涵野色空
道外俗塵飛不到
似移家住畫圖中

葉齊賢

松陵人

前題

坐窓不遯呻蠹竹兀兀那知髀生肉眼明見此水邊邨
浣我胷中塵百斛荒山寂歷蒼烟斜驚風颯颯鳴蒹葭
平沙暮寒羣雁起垂柳掩映幽人家風流王孫摩詰手
妙處端如神所授等閒點綴皆精妍怪底秋光生戶牖
我家本住松江濱恍然一見融心神他年卜築遂君志
留取青山容散人

趙孟頫

字子俊

前題

曖曖水邊邨蕭條絕塵滓錢君智者徒而後能樂此平生丘壑情所尚政在是問誰為此圖吾兄固能爾

黃肖翁

前題

幽人心地本脩然此境相諧七十年茅屋數椽依約外雲山一抹有無邊眼前生意今林屋筆底秋風古輞川

勝景有餘描不盡歸鴻幾點落寒烟

年獻

字獻之
陵陽人

前題

山色濃還淡孤邨水遠之俗塵飛不到野老住偏宜
岸疎疎柳茅檐短短籬小舟歌側過便是少陵詩

王鈞

真定人

前題

寒烟漠漠鎖荒邨日暮帆歸浦淑昏颯颯秋風鳴老樹

涓涓流水遶柴門
平沙堆起聲如寂
斷岸冒懸影若翻
要問先生得真趣
玩圖嘿嘿欲何言

錢良右

吳郡人

前題

每憐北苑風流遠
筆底精神此日同
春水孤邨無限意

題詩翰與杜陵翁

鄧文原

巴西人

前題

芳草孤舟度幽居一逕通江湖春雨外墟里暮烟中機
息鷗先下花飛鳥自東臨流無限意畫史若為工

陸行直

前題

馬足黃塵三尺深清風吹斷自難侵乾坤老矣驚浮世
泉石蕭然動隱心鷗鳥起沙春漠漠漁舟繫柳晝陰陰
他年欲訪幽栖處莫似仙源無路尋

郭麟孫

前題

澤國淨秋色遠山橫夕烟水田羣雁起蘆渚一簣懸林
樹幾間屋君家若個邊扁舟何日去相伴白鷗眠

高克恭

字房山
官尚書

前題

簾捲蒼茫楚色屋連演迤清流歲晚晚兮自適蹇誰留

兮中洲

陸祖凱

前題

一片寬閒景波涵萬頃天
雁飛秋影外樹倚夕陽邊
山色來窓牖溪聲自管絃
何當明月夜著我釣魚船

趙由祚

前題

不入山林不入城孤舟容我寄浮生
年來與世殊相遠
漸喜無人識姓名

趙由雋

字仲時
吳興人

前題

清溪抱邨流，茆屋蔭疎柳。
天秋雁行遠，山翠當戶牖。
罷釣者誰子，延緣來渡口。
野情固超逸，圖畫傳不朽。
何當從之遊，扁舟落吾手。

趙承孫

前題

誰識漁樵興，趣閒由來家。
計在江干羨，君圖畫能殊。
勝愧我田園，卒未安浩蕩。
閒雲低樹影，蕭條野屋蔽。
天寒

秋深夜色猶堪愛
寫取嬋娟浸石灘

朱梓瑞

前題

家住吳淞江水西
短垣矮屋綠陰齊
朝雲樹溼知山近
暮雨舟平覺岸低
騎犢看書閒自適
得魚沽酒醉相攜
從遊尚記髫年日
白首芹邊感舊題

虞堪

字勝伯有
鼓柁集

題嘉興水西寺

宣城水西不可到秀州水西今獨遊太白才情真放逸
牧之人物更風流諸天問法原無相千載題詩在上頭
人世古今同一夢劫灰烟暝五湖秋

送達明善遷嘉興

鱸魚膾斫樽無醪阿濫堆成笛正愁昨夜涼風吹得苦
莫傳離思入南洲

邵亨貞

字復孺松江
人有蟻術集

橫泖二首

橫泖清晨望人烟樹幾重三江歸禹貢衆水會吳封雲
倚孤村墟潮生半夜鐘田翁談古跡隔浦是青龍
廣廈人來少青山遠對門緩潮通曲港高樹接遙邨升
記袁崧宅鄉連宰我墩行吟聊適興心迹未須論

附考橫泖在平湖縣東四十里亦名谷水又名谷泖谷
泖之分爲長泖東泖出東泖則華亭界矣餘見前谷水
考

次韻孫果育先生海鹽茶園道中作地名夾山
有金粟寺試茶院錢南金曾約予遊未果

聞道夾山金粟寺一如兒率淨居天雲藏衲子煎茶屋
春著山翁載酒船打破斷碑何代始種來高樹百年前
錢郎詩裏曾相約蠟屐因循未了緣

早春駕湖夜泊

燒燈過了閒門靜踏月歸來宿酒香何處高樓夜吹笛
曲中桃葉斷人腸

澹滄漁史引為樵李蕭養素賦

澹滄溪與駕湖接中有漁舟小如葉漁郎把釣溪之濱

日夕歌呼弄烟月滄溟空濶風常寒紅塵辟易天為寬
襟期不啻在楚澤出處似欲凌嚴灘一夜嚴飈吹虐雪
千山鳥斷人蹤滅忽然飄泊箕潁間洗耳長流更清絕
人生百年俱有涯榮辱不到漁樵家天吳海若惡作劇
信緣齊汨終無譁江南處處青山在江上故人毛髮改
尚餘鷗鳥識孤舟不信相看換桑海武陵只在天地間
可惜晉士成虛還桃花舊路若邂逅謝絕世故無厚顏

戴表元

字率初奉化
人有剡源集

渡長泖投小蒸邵教授宿

清曉浮雙槳黃昏值一飧風鳴長泖浪雲滄小蒸村饒
極知鱸美驚還覺雁喧同袍情好在燈火細溫存

張翥

字仲舉晉寧人官翰林承旨有蛻菴集

送劉貞廷總管之嘉禾

牧守膺民寄循良不數公使君新建隼御史近乘驄內
府聲華著專城控制雄老成歸物望清切簡宸衷紫綬
盤銅虎朱旂擁畫熊焚香迎父老騎竹走兒童橋李名

藩古勾吳地利通粵從師次後俱在震隣中水暗臺隍
月雲寒鼓角風蠻氛猶漲黑戰血未消紅聖主方圖治
台司亦即戎頻繁綸綍下次第中兵空公等宜宣力王
臣固匪躬關防先武備國計務農功黃霸徵當最陽城
考欲同蒼旻飄勁氣白日照精忠萬象天樞北三山海
市東旱龍俄作雨陽鳳已鳴桐善政風須變虛襟理自
融平生經世志要似節軒翁

題朱翁子負薪巷

富貴危機解殺身是非千古付樵人當時長史魂應悔
不向山中只負薪

胡奎

字虛白號斗南老人
海寧人官寧府教授

崔孝子詩

秦川有慈烏故巢遺一雛烏飛南海去孤雛遶樹鳴相
呼鳴相呼向何處萬里同天不同樹兒今夜思返哺
夢中曾識瓊州路願烏來巢庭樹枝驟雨顛風終不移

附考崔永字彥齡海鹽人七歲喪父母韓改適同邑
桑慎慎為御史坐事謫海南攜韓從軍永既長思母

徒步求之誓不見母不歸行次瓊州得馬會慎歿力
請母歸所司以配屬無故還例不遣永惻哭入京哀
請於朝許之復赴海南迎母舟遭風永入水負母母
得活永感寒疾客死江西布政使茹大素葬之郵致

其母歸人稱

崔孝子云

鴛湖

一作雙湖
芙蓉曲

銀塘水靜秋波白芙蓉挹露香雲溼翠綃瑩浦錦雲濃
水紋搖蕩雙鷗瀟瀟妾家住在湖上頭木蘭為楫沙棠舟
錯金孔雀籠蟬鬢百索明珠垂臂鞦蕩舟日日穿花塢
不覺花深紅日暮欲將羅帶結同心斷藕絲牽不成縷

金羈白馬誰家郎
日光照耀羅衣香
嫣然一笑却回顧
隔花醉贈雙鳴璫
同心暗結羅襦小
識得君心為花惱
昔時妾貌似花紅
今日紅顏鏡中老
坐對芙蓉雙淚垂
妾貌君心兩不知

南湖玩月

團圓三五月
挂在鴛湖東
方舟泛平流
坐我青天中
低頭看月月
在水倒影姮娥呼不起
三更露下芡袍涼
恍然濯足銀河裏
城南斗酒真珠紅
與月共醉鮫人宮
醒

金少府八十二
卷三十八
來月落不知處張帆且趁清明風

過崇德

一灣流水碧船到語兒溪官舍三通鼓人家半夜雞大
星臨水動斜月傍城低擬作還家夢驚鳥莫浪啼

洪焱祖

字杏庭

舟次嘉禾

昨宵雨急爭過堰今日風顛爭泊船前途難料每若此
遊子相顧空淒然挽弓翻勝一丁字佩印何如二頃田

笠澤鱸魚洞庭橘誰家酒樓新插天

周廉

遊天寧寺

南湖古寺繞流泉夾道長松翠插天長者布金來梵剎
仙華散綵落經筵自慚朱紱干微祿誰向金襴問別傳
他日一龕容我老看山東土鏡湖船

鮮于樞

已見

觀寂照溫日觀畫蒲萄

考見
方外

阿師已把書為畫俗客那知色是空却憶西湖酒醒處

一棚涼影卧秋風

成廷珪

字原常
廣陵人

顧野王故居

考見
前

寶雲寺裏舊祠堂自汲清泉酌野王白馬有神嘶古道
青衣無夢到禪牀塵消壞壁書千卷土蝕殘碑字幾行
欲借玉篇遺稿看山僧無語立斜陽

二月十四日風雨孤坐秀州城西僧舍

秀州城西春事微二月苦雨行人稀江湖渺然不可渡
風雨如此將安歸老來口腹胡為累亂後人民今見非
兼旬不得武林信倚仗南望孤雲飛

題水西爽溪樓寄新長老

新公邀作爽溪遊為說前朝有此樓雲氣遠看天北極
風光仍在水西頭虛簷古瓦緣蒼鼠曲澗輕波漾素鷗
宸翰僅留飛白在烟波漠漠使人愁

辛文房

蘇小小墓

東流水底西飛魚，銜得錢塘織錦書。
幾回錯認青驄馬，著處閒乘油壁車。
鸚鵡杯深春樹暗，葡萄衾冷夜窓虛。
蓮子種成南北岸，苦心相望欲何如。

宋无

字子虛
商丘人

陸贄宅

詔下山東感泣來，謫歸門竇鎖蒼苔。
奉天以後誰持筆，不用當時陸九才。

附考宅在府城郡治西南贊曾祖齊望居此有女名
法興誦法華經天花墜地遂捨宅為寶花尼寺明洪
武初改為寶花倉嘉靖間總師陸炳佃造恩綸樓後
沒官佃於民俗呼乳娘廟曹侍郎溶居之構采山亭

劉伶墓

酒澆磊塊作平懷一鋪相隨死便埋個是先生醒時語
醉中那復問形骸

唐棣

春波小隱

鴛鴦湖上春水生吳姬蕩槳春波平碧山隔樹遠莫見

白鳥近人渾不驚倚檻釣簾閒把釣停杯度曲醉吹笙
舊時王謝風流在却笑窮時阮步兵

辛敬

嘉禾八景詩

梅花道人有圖并題酒
泉子八首考見三卷

空翠風烟

秋陰覆野水暝色帶高城萬古風雨餘滿軒空翠生昔
人會心處華落任縱橫勝事已千歲焉用此高名

龍潭暮雲

清溪馭奔湍神物出其下浩劫空浮雲中宵走雷雨吾
嘗隱廬阜飛瀑孤絕處對此發幽期長吟度秋浦

鴛湖春曉

落日湖上行風吹湖水明芙蓉未出水鴛鴦空復情佳
人翠袖薄公子彩舟輕暗憶題詩處繁華滿春城

春波烟雨

昔賢讀書處今日採樵路烟雨暗春波江鷗迷處所山
遙數峰出洲隱千帆去應有倚樓人天長望汀樹

月波秋霽

孤城何迢迢飛樓且咫尺初月照江波吳船夜吹簫秋
清墅寺靜露下蘋洲碧不見牧魚人疎鐘起遙夕

杉閘奔湍

怒濤來滄渠西出吳門道官家嚴水利蓄洩何草草洞
庭霜橘晚震澤鱸魚早從此有扁舟長於澤中老

胥山松濤

榜舟趨南山飛蓋轉芳甸登高望吳城擊鼓起嘉譙靈

飈拂岩角飛雨灑石面欲弔子胥魂江波淚如霰

武水幽瀾

古寺闕幽敞清凉生道心澄源既不昧萬象自浮沉
龍吟珠光曉鳥渡菱花深上有散花處時復一來尋

王冕

字元章諸暨人元季隱居明初授叅軍尋死

過武塘

杉青閘轉雲間路河水分流過武塘客况慣經風雨惡
詩情不減少年狂魚鹽市井三吳俗海島番航十丈檣

欽定四庫全書

相李訓
卷三十八

楊柳連隄鵝鴨聚家家茅屋似淮鄉

鄭元祐

字明德處州人官江浙
儒學提舉有僞吳集

溫日觀畫蒲萄

伊昔錢塘溫日觀醉凭竹與殊傲岸却將書法畫蒲萄
張顛草聖何零亂枝枝葉葉點畫間醉瞠白眼看青天
狂呼大盜楊總統天不汝誅我厚顏楊加箠死曾不畏
故老言之淚尚潛畫成蒲萄誰賞識惟有鮮于恒嘖嘖

為師祿垢曾弗辭人言結韞張廷尉千載風流寧異茲
蔓如龍鬚實馬乳問師揮毫奚獨取只因漢使遠持來
野老詩成淚如雨

重題日觀蒲萄

故宋狂僧溫日觀醉凭竹輿稱是漢以頭濡墨寫蒲萄
葉葉枝枝自零亂隴首時有璉真珈每欲邀師飲其家
路逢其人輒大罵欲泄憤怒寧辭撾鮮于愛師工字畫
北面從師學波磔寫出蒲萄皆法書二王楷範從師得

困學齋前支離疏師來或哭或歌呼醒塗醉抹不可測
其言皆足警懦夫先生敝廬耿家步阿師舊日經行路
月落山空喚不應尚想秋棚溥白露

贈薛相士

子有唐生術誰知范叔寒知無狼顧骨可有鵲皮冠野
日晴猶嫩春泥曉未乾多君遠相過不用畫灰看

梁寅

字孟敬臨江
人有石門集

題嘉興王氏梅花莊

瀟洒山莊對翠岑梅花渾似白雲深西湖處士臨流玩
東郭先生踏雪尋畫暖山蜂喧隔屋夜清霜鶴唳中林
輞川舊日多松竹同是高人冰玉心

張昱

字光弼廬陵人
元末官員外

海鹽陳母節義詞

事詳陳寶
生本傳

陳母節義誰可及二十守志今六十家本泉州身姓莊
戶版抄入商人籍夫陳亦是海鹽商遠來壻莊圖久長
莊時年當二十四于飛和鳴雙鳳凰豈期得子纔四月

幡然去作諸番客海中使船惟信風倏忽千波萬波隔
五稔弗歸鄰媼疑情以諷莊欲嫁之正詞厲色却鄰媼
將馬置此呱呱兒久乃陳從海外至子生五年能捧雉
銀燈坐照夜堂深勸諫夫陳詞不已海中日日生風濤
千金之軀同一毫人非金石當自保北斗那共黃金高
夫陳耳聽心不悟趣裝出門衣楚楚莊憂水底有蛟龍
陳恃蛟龍莫予侮信迴迺在九重淵莊走入房羞見天
引刀自刺刀墮地哭抱孤兒仍自憐指有此兒堪嗣續

不爾從陳葬魚腹良人雖沒天可移績紡教兒買書讀
兒名寶生既長年知父之死常泣然母告汝父之海鹽
有子盡典祭祀田汝往贖田還祭祀妾身無愧歸黃泉
寶聽母言即長往未知海鹽先採訪果得前兄名寶一
泣訴二天成俯仰歸復母命母大喜恨不相與攜手至
轉頭滄海作桑田奉母還鄉談笑耳兒亦一來拜母莊
母子三人涕淚霑浮雲行天失變化鳴鳥集樹休翔翔
寶也奉母孝益謹母子更相為性命母呼寶也語近牀

貸汝父錢名石章章負舶錢今繫獄汝父雖沒錢須償
喚婢賣珠遣寶送衆人義莊作歌頌十子不如一女英
男兒負義真何用天朝史臣高與王大書特書相發揚
傳聞滿紙作龜鑑無不讀之眉目張誦莊之賢無遠近
夫婦綱常自莊定闕睢之詩今復作還有刪詩如孔聖
三光不滅天地存教子錫類皆弟昆陳母節義天所報
駟馬何獨于公門

陳彥兼作春草堂養母詩以美之

綦履鳴環左右間佳兒佳婦及承歡天迴白日臨瑤席
露洗紅萱出畫闌小爵注春宜燕適長裾曳翠可高寒
升堂拜母俱名士一記何慚在史官

蘇小小墓

香骨塵埋縣治前西陵魂夢隔風烟好花好月年年在
潮落潮生更可憐

張憲

字思廉
會稽人

顧野王讀書堆

昔聞野王宅今上讀書堆篁竹最深處菊花時自開天
風響鐘磬海氣結樓臺回首梁陳事悲歌付一杯

錢惟善

字思復
松江人

福源宮得月樓

明月未離海幽人先倚樓清臨半江水高占一天秋太
白偏能賦元規亦共游何人夜吹笛柳下暫維舟

附考樓在嘉善治北二十四里宋道士唐介壽居此
用朱符息錢塘江惠明宣德時西塘文水漾有怪木
清月不己風向亂出多

早發荊門得風抵阜林

白龍廟前風浪生，扁舟初離闔閭城。
嬋娟霜月雁千里，顛倒衣裳雞五更。
櫓咎漁歌江入夢，帆迎野色樹移程。
輦間何限秋蕭瑟，愁絕胡笳出塞聲。

楊維禎

字鐵厓
會稽人

和金粟道人遊永安湖韻

秀州城外鴛鴦湖，郎官帆開十幅蒲。
人遊玉壺天上下，鳥度屏風山有無。
起舞或呼謝鵲，鵲賦詩爭傳鄭鷗。
鵲鳥度屏風，山有無起舞，或呼謝鵲，鵲賦詩爭傳鄭鷗。

酒酣不怕歸路晚將軍曾識李金吾

附考湖在海鹽縣南澉城西六里四圍皆山中間一堤俗呼小西湖又曰敬川水經注谷水出為澉浦以通巨海晉光熙元年有毛氏三人集此蓋汎乎風也元季顧瑛與客遊此作詩正德初孫太初訪許雲邨放舟雅集雲邨曰昔青蓮居士與張謂遊漢陽湖改名郎官公今至此可名高士湖矣

陶莊

邨落成行市井連日中雲集自年年刀錐有利圖衣食貿易無人索稅錢漁鼓畫橋楊柳外酒旗茆店杏花前
陶家義塾相聞近教子何須孟母傳

附考莊在嘉善西北三十六里有南北二莊宋
紹興中保義郎陶文幹自蘇徙此地產黃雀

圓覺禪院

圓覺招提隔市喧潮音滿座自晨昏
雨來寶地天香匝風動珠林貝葉翻
供養奇花憑白鹿齋分珍果仗玄猿
從今結却東林社淨土修持禮法門

附考院在陶莊
宋景定時建

賴善卿到嘉禾為予作金粟道人詩使瀕行曰
金粟吟友為元璞尊者胡為無詩走筆一解

兼東西白仲銘兩宗匠一笑

琦公口有綺語債年來不誦西胡經宮詞在古無師刺
野史於今有贊寧劫灰何曾燒汲冢世祚時聞語塔鈴
林下寧無讀書者夢中應見伍喬星

遊淨池

汾水南頭第幾灣淨池初曉鏡光寒漁舟曬網日將出
酒肆招帘露未乾楊柳淡烟迷隔浦桃花新水漫前灘
習家回首今何在風物爭如此地看

附考嘉善汾湖之南有

淨池蘆墟柳溪諸水

遊汾湖分得武字

有序

至正九年三月十又六日吳江顧君遜招客遊汾
湖客凡七人會稽楊維禎甫里陸宣大梁程翼金
陵孫煥雲間王佐吳郡陸恒汝南殷奎妓二人珠
簾金粟也出武陵溪過五子灘詣陸氏翠岩亭觀
百歲棠出鐵筴一枝云江南後唐物也予為作清
江引一弄抵柳溪飲鮑氏池亭過登瀛橋遂步月

歸用主人武陵溪上花如錦之句分韻賦詩時期
而弗至者茅山張君雨界溪顧君瑛也

盪舟武陵溪朝出五子浦還過西陸家仙童啟巖戶棠
樹大十圍桃花燦欲語遺我古鐵枝色比修月斧為作
古江調江鳥凌亂舞攜之謁龍君湖水吹暮雨晚飲花
石岡亭臺已無主瀛橋步月歸竹枝和銅鼓道人早歸
來脫冠挂玄武

陸恒

吳郡人

分得陵字

春風畫舫錦帆乘
鮑陸池臺次第登
翡翠花枝人似玉
蒲萄銀瓮酒如澠
泗州寺裏看題竹
伍子灘頭聽采菱
歌扇斜搖波縠縐
舞衫輕脫唾茸凝
七星鐵管金為點
萬斛瑤琴寶作層
臂脫珠韞明越白
燕衝胡帽濕吳綾
推詩奪錦欺三謝
俠氣凌雲比五陵
醉卧攬榆驚露下
芙蓉月浸碧壺冰

陸宣

吳江人

分得溪字

翠巖亭下問棠梨上客同舟過柳溪花下停歌聽鸚鵡
行間把酒引玻璃緋桃照眼春無賴石洞關雲路轉迷
金粟彈箏銀甲冷珠簾度曲翠眉低錦帆捲浪風生座
羅襪生塵草被堤屢舞不妨飛野鳥醉歸遮莫報隣雞
堯王臺殿空陳跡鮑氏池亭憶故栖鐵笛吹殘山月白
竹枝唱過驕橋西

程翼

大梁人

分得上字

樓船載酒汾湖上萬頃玻璃綠新漲玉簫檀板館娃吹
銅鼓雲璈仙侶倡涼蜜金盤荔子漿紫駝銀瓮蒲萄釀
挑心大舞天魔宮分班小擺花神仗人坐盤陀古翠巖
鶴立海棠青錦障醉揮玉麈奪詩魁氣噴鐵龍驅酒將
三五朱扉流水香十二闌干花氣王歸來涼月白紛紛
湧出雲濤三萬丈

王佐

松江人

分得花字

青簾畫舫載吳娃
晶晶行雲十里賒
湖光遠帶柳溪水
春色好在桃源家
十幅錦帆風正健
一聲鐵笛月初斜
玉壺香醪興未盡
更醉海棠嘉樹花

孫煥

金陵人

分得如字

今朝好天氣
天朗陰雲舒
湖中朱雀舫
花下碧油車
題詩過子建
鳴琴續相如
四美古難具
餘歡重躊躇

殷奎

汝南人分得錦
字其詩不傳

顧遜

吳江人

遊汾湖

武陵溪上花如錦
花氣熏人如酒濃
簫聲時倚鏤鉤鐺
雲影忽落琉璃鍾
小娃傳令覆蓮掌
游子掀蓬照玉容
汾湖歸來夜何許
明月近挂青螺峰

陳基

字敬初天台
人有夷白集

三塔寺訪寬老

考見前

人世難行路禪房獨掩扉
鶴飛知客至雨歇見龍歸
天地干戈滿江湖故舊稀
愧非韓刺史臨別更留衣

三月七日過三塔寺留別寬老

輶車來往每匆匆此夕相看一笑同
軒外竹添千個翠樹頭花吐萬年紅
茶烹日鑄龍分水榻近雲巢鶴語風
梔子雨肥蕉葉大恨無好句續韓公

倪瓚

字元鎮
無錫人

春草堂詩

春草堂中隱几坐中有素髯閒似我

謂素子英

欲浮青海狎

羣鷗傲向鷗夷借輕舸二月水暖河豚肥子苦留我我

懷歸半鐺雪浪熏香茗埽榻蕭條共掩扉麝煤鹽紙齊

梁筆寶繪珍題品神逸洗滌古玉龍眠池臨榻竒蹤淨

名室紅蠡掩碧春將酣檳榔萋葉嚼香甘夜闌更鼓湘

妃瑟笙磬同音咏雅南別君此去何草草山為迴旋海

為倒令威白鶴會重來世人胡為易衰老

元初真士居嘉禾紫虛觀好與吳仲圭隱君游

今年十月出示畫幀命僕賦詩因次隱居韻

題於上

鴛湖在嘉禾湖水春浩湯家住梅花邨夢繞白雲鄉弄翰自清逸題詩更悠長緬懷圖中人看雲杖枕榔

附考觀在海鹽治西南二百步元至正中初

楊載

字仲弘浦城人宣城推官

贈丘子正之海鹽州教授

珠生滄海底玉韞碧山中夜氣交明月陽精見白虹有

材兼重價當代振英風好學由天性能書出化工知名
傳冀北作賦擬河東始欲徵揚子旋聞薦褚公陰符難
獨美遺教實爭雄絕藝雖宜進奇才事不同交遊傾上
國掄選屬南宮鄧禹官初試匡衡對漫通海邦終寂寞
學館尚穹崇已注千人錄當成五典功星辰皆在水渤
海倍浮空把酒歡何限乘槎興不窮文章趨浩瀚物態
入牢籠子必登雲閣吾將守桂叢索居彌寡陋荒業孰
磨礱弗獲披雲霧惟思對華嵩知音期郭泰流俗易王

充江海從茲逝飄飄任轉蓬

方行

字明敏黃岩人元末官行省叅政

登秦駐

此地曾經駐蹕來秦皇遺跡尚崔嵬
採窮滄海無靈藥歸到驪山有劫灰
萬里黑風迷鬼國一杯弱水隔蓬萊
詩人弔古多遐思落日高丘首重回

阮孝思

字維則陳留人

春草堂詩

海宇昇平今一統
化日熙熙萬家共
孝子堂前受景長
霞綃晴光浮畫棟
東風百草映階生
綠縹幽叢若新種
生意應從樂土滋
獨訝芳心露偏重
孤東未足報春暉
陟岵仍懷九泉痛
每歎歡情不及施
觴俎春秋寄哀慟
猶幸庭闈慰母慈
孝愛深期百年奉
祀膳晨昏有旨甘
婦饌中厨子親供
筍穿寒谷忽抽萌
鯉躍冰溪暗消凍
承歡已自樂無涯
願得長年兩眉縱
壽酒傾來拜膝前
盃面椒花春影動
慈容有喜正忘憂
佳句無人空入夢

衣上朝看碧色新
母手辛勤表微縫
兒生宛似草根芽
長養還因昔培擁
母今白髮映顏朱
太史升堂有新頌

戴良

字叔能浦江人元末為儒學提舉有九靈山人集

雨夜泊秀州城下憶僚友作

晨風變淑景
春霞啓陰期
雲根結翳翳
雨足散垂垂
鄙人獨言邁
去掉不得維
路無行輪聲
岸有荒楚滋
暮抵秀城下
夜泊河水湄
游魚返深渚
帝鵲起重基
客途玩物理
寧不戀所思

王逢

字原吉 稱蓆帽山人 江陰人

題董良用徵士釋畊所

詳本傳

百畝松田十尺廬
釋畊為樂野人如隴牛
飼卧春犁後
水鳥低飛午饁餘
殷喪蕨薇原可食
秦炎種樹獨存書
老予擬就龐公隱
歲莫相看兩鬢疎

張簡

字仲簡 吳人 元季隱士 有白羊山樵集

周元初來鶴詩

事見本傳

手把芙蓉攝羽裙
飛書南啓魏元君
祝融峰頂雲初起

借與長風送鶴羣

張經

字德常金壇人張士德選為松江府判

周元初禱雨詩

崑崙之西東海東中有一士巢雲松朱顏黑髮神所鍾
服食雨露乘天風朝騎黃鶴天門穹夜被紫霞栖崆峒
人間有急歲有凶裨補造化多其功已酉之歲夏五中
連月不雨何當熾祝融司令百怪叢妖精吐燄天地零
大星出走穹壤紅海水欲竭山為童官僚揭虔士庶恫

焚厄剪爪百慮窮大龍酣睡癡且聾小龍戢戢潛具踪
君能獨出超凡庸拔劍起指天南虹噓陰吸陽神且恭
囊括萬象羅心胸有書直達上帝聰泥金倒寫不暇封
當空舉手祝未終霹靂直下西南峰道人足踏金芙蓉
口呼六甲丁與從神龍不與吾不容縱以烈火焚其宮
須臾龍伯施乃工海波豎立銀河通桑麻菽粟青且蔥
野花石竹俱纖濃道人之術孰與同調和變理偕孤公
方今海內殊未雍焦頭爛額愁邊烽煩君為提九節筇

直上閭闔躋九重凌風大笑招羣雄一洗宇宙皆冲融

馬臻

字虛中為道士錢唐人有霞外集

送范起之赴海鹽州判分得一字

喬木留高陰多君富儒術分符佐海郡不減江左逸
曠茲鄉黨彥餞祖賓筵秋此邦足魚鹽利自氓庶出願言
問周瘵惠化均所恤萬物適生意茲理在得一維時青
春深鳥語桑間日懷君鬱素袍返軫守蓬華倘寄雲中
書飛鴻及秋律

寄耿浦楊如山

吾聞沙丘之馬黃驪牝牡世莫知九方臯去不復有天
風吹我滄海邊忽地相逢釣鼇手論文托契輸心胸傾
倒金樽斟綠酒登高望遠古意多百年之樂能幾何男
兒屑屑志不展秋霜滿鬢空蹉跎酒酣眼極情未畢笑
指青山歌落日却憐徐福向蓬丘蒼蒼烟浪無消息明
朝挂席我歸來西湖十月梅花開梅花開動詩思思君
不待春雁回因之一寄平安字

鄭洪

字君舉
永嘉人

來鶴詩

綠章朝帝駕雲車白鶴升天下
玉除赤壁已無身後夢
丹丘應有寄來書五鬣松陰
秋落落三花樹影夜疎疎
琴心三疊蓬萊淺兩翼剛風
響佩裾

許椿

椿木詳詩見柳志觀吳興
甲兵之語當是元末人

孟姜倚石

我昔看山在乍浦傍有石砥臨
行路至今相傳是秦時

孟氏當年擣衣處老眼拂拭曾見之臨風搔首空嗟咨
想當衣成親寄遠持慰杞梁千里思築城未成夫死久
誓言從之埋夫後慟苦號天天亦愁長城一倒名不朽
祇今吳興尚甲兵三關格鬪殊未寧豈無貞烈若此婦
使君當為聞其名君不見望夫山頭人立玉壯士觀之
髮如竹

附考石在

平湖乍浦

金玉


未詳詩
見柳志

當湖秋霽

海風吹雨過船頭
雲靜波光映素秋
百里秦山當落日
千年霍廟立孤洲
蒹葭霜後依漁屋
鴻雁風高起棹謳
相送使君人載酒
醉歌白苧不勝愁

附考平湖縣古當湖市也係海鹽舊治即漢順帝時
陷為湖處拓異志唐陸府君莖於蘇州海鹽縣齊景
卿當湖則當湖之名已見于唐宋設當湖酒庫元設
當湖務李東陽跋聚芳卷云元至正間學正陳遇所
葺詩內有平湖錢永春則平湖之名已見於元明洪
武初改為當湖稅課局宣德五年始立平湖縣割海
鹽東北境為之治在府城東五十四里治內有天香
亭領大易武原齊景華亭四鄉又據潘之恒當湖記

云縣東陸地有菴僧曰是當為湖後果陷立縣曰平
湖言與湖平也後漢志云有婦人產蛟遂陷一統志
云白沃史君乘馬走以策指湖留東北一角不沒民
至今祠之又聞漁人於湖中獲一錢鏈長不可計舟
滿懼而棄之或曰即
繫蛟者有十景見後



橋李詩繫卷三十八